

فيديو #٩٨ من مقاطع حذر التجول تدبر سورة الكهف #٤١

الآيات: ٣٨-٨٩

فاضل سليمان

السلام عليكم ورحمة الله وبركاته. اهلا بحضراتكم في المقطع رقم تسعة وثمانين من مقاطع حذر التجول ما شاء الله بقى لنا تسعة وثمانين يوم بتدبر القرآن من يوم ما عملوا حذر التجول في مصر - [00:00:03](#)

والمقطع رقم اربعتاشر من مقاطع تدبر سورة الكهف طبعاً انا بعمل المقدمة دي بالبطء ده عشان تبقوا عارفين عشان الناس تقوم تجيب المصاحف يعني انا اللي عرفت ان فيه ناس برضه بتيجي تقعد وترسي المصحف. فلو سمحت - [00:00:27](#)

بصوا يا جماعة المصحف بسرعة افتحه على سورة الكهف ونبدأ بسم الله قلنا ان سورة الكهف فيها اربع قصص رئيسية فهمها وتدبرها والتفكر فيها يقي الانسان المتدبر من الوقوع في فتنة الدجال - [00:00:43](#)

اللي هي فتنة موجودة طول الوقت والناس متعرضة لها. قصة اصحاب الكهف الذين فروا بدينهم وتركوا متع الدنيا من من اجل الحفاظ على صلتهم بالله القصة دي فاهمها وتدبرها يقي من الفتنة في الدين. لان الناس سيفتنون في دينهم بل الناس فعلاً بيفتنوا في دينهم دلوقتي. وكثير من الناس - [00:01:05](#)

يقعوا في الفتنة في الدين دي في كل زمان ومكان ويتركوا الدين بيرتدوا عن الدين بيتنازلوا عن مبادئهم الدينية من اجل آآ آآ خوف من حاكم او من او من اجل الفلوس او من اجل اي حاجة. طيب قصة الجنيتين او الصاحبين - [00:01:30](#)

التقي المتدبر لها من الوقوع في فتنة المال والثروة فيظن ان الغنى يستطيع انه يحقق له كل شيء فيطغيه ويبقى كمان يظن نفسه مستحق للثروة وان هو اكتسبها بفضل الله سبحانه وتعالى - [00:01:48](#)

قصة موسى والعبد الصالح اللي لسة مخلصينها امبارح تقي المتدبر فقط من الافتتان بالعلم فاثبتت لنا انه فوق كل ذي علم عليم. وان الانسان اذا حكم على الامور بظاهرها وهي دي حدود علم - [00:02:09](#)

قد لا يحكم بطريقة صحيحة حتى لو كان نبي زي سيدنا موسى طالما ان هو لا يعلم بواطن الامور. وطالما ان بواطن الامور غيب لا يعلمه الا الله. فعلى الانسان ان يتواضع لله ما - [00:02:28](#)

ما بلغ علمه وانه يقبل يقبل الاقدار بتاعة ربنا. لانه لا يعلم الغيب آآ وده يقي من الفتنة بالعلم، لان هناك من يعبدون العلم هناك من يظنون ان الانسان يمكنه ان يصبح الها طالما انه قد تقدم علميا ودي فتنة خطيرة جدا ضللت ناس كثير - [00:02:42](#)

جدا. واخرجتهم من الدين. وهي ليست فتنة جديدة. فتنة التقدم دي وفتنة العلم دي من ثلاث الاف سنة وقع فيها قارون. قارون من قوم موسى انما اوتيته على علم عندي. الثروة دي بسبب العلم اللي عندي - [00:03:07](#)

القصة الرابعة والاخيرة في السورة هي قصة ذي القرنين التي تقي المتدبر لها من فتنة السلطة والقوة والحكم ترامب كل يوم يقول لك احنا اقوى دولة في العالم. واعزم دولة في العالم وسنظل كذلك ويغير عواصم بتاعة الدول - [00:03:24](#)

دول بحجج فارغة وبكذب. ثم يقول لك تعال نصلي ونعمل يوم في الصلاة في البيت للصلاة في البيت ابدأ. صل زي انت اصلاً تالته انت مغرور بالسلطة والقوة وهكذا. اذا - [00:03:46](#)

القصة دي قصة ذي القرنين اللي هتبدأ النهاردة تقي من فتنة السلطة اقرا بقى معي الاية ثلاثة وثمانين اعوذ بالله السميع العليم من الشيطان الرجيم ويسألونك عن ذي القرنين قل سأتلو عليكم منه ذكرا - [00:04:00](#)

كفار قريش اخدوا اسئلة من اليهود عشان يخرجوا بها النبي صلى الله عليه وسلم ويثبتوا عدم صدق نبوته وكان منها ان كان هناك رجل طواف بلغ مشارق الارض ومغاربها فما كان نبأه قل لنا عن الراحل الطواف اللي طاف - [00:04:22](#)

اول حاجة من هو ذو القرنين قالوا هو ملك من ملوك اليمن لان اسمائهم كانت بتبدأ بـ ذو كذا ذو ريدان ذو نواس يبقى ذو القرنين ممكن يكون ملك من ملوك حمير او سبأ. ممالك اليمن - [00:04:42](#)

وقالوا ذو القرنين لان الخوزة اللي كان لابسها لها قرنين وقالوا ذو القرنين عشان شعره الفورمة بتاعته بقرنين يعني بضفرتين الضفاير اسمها قرون في اللغة العربية. الحجاج بن يوسف الثقفي لما ارسل للسيدة اسماء بنت ابي بكر. وكانت ضريرة في - [00:05:03](#)

اخر عمرها وكان صلب ابنها بعد ما قتله سيدنا عبدالله ابن الزبير ابن العوام فقال اما ان تأتي واما ان ارسل لها من يأتي بها من قرونها يجيب لها حد يجيبها من ضفايرها من قرونها. انا طبعا ابعت اطلالة ابعت حد ياخدني من قروني - [00:05:23](#)

المهم آ هو مجرم وطغية وربنا ينتقم منه الحمد لله. المهم. لكن المهم هو ان القرون يعني الضفائر الشعرية. هتقول لي هو الرجالة بتضفر شعرها؟ اه زمان كانت الرجالة بتضفر شعرها - [00:05:41](#)

اه بس كانوا رجالة طيب وقالوا انه وصل الى اقصى الشرق حيس تشرق الشمس قرن الشمس واقصى الغرب حيس قرن الشمس. فبقى ذو القرنين قرني الشمس الشرق والغرب والكثير من المفسرين على ان هو ده معنى ذو القرنين. اله اشياء كثيرة جدا. طيب نشوف بقى ربنا هيقل لنا هو مين - [00:05:52](#)

بسيطة اوي. ياللا ربنا يقول لنا بقى هو مين ؟ لم يذكر القرآن لم يذكر حقيقة شخص ذو القرنية. ولو كان قال كان هيبقى حاجة غريبة جدا على الصورة دي بالزات لانها لا تذكر - [00:06:17](#)

تفاصيل اشخاص في القصص في اللي فيها عشان تبقى قصصها عامة وصالحة كمثال لكل زمان ومكان ولا هي ذكرت عدد ولا اسماء ولا بلد اصحاب الكهف ما اعرفش حاجة عنها - [00:06:31](#)

ما اعرفش الحاجات دي بالزات ولا ذكرت اسم صاحب الجننتين. ولا الثاني صاحبه المؤمن ولا مكانهم ولا في اي بلد كانوا الجننتين دول ولا هي ذكرت اسم العبد الصالح ايه؟ الخضر ده ده اسم من التفسير - [00:06:48](#)

ولا مكان مجمع البحرين فين ولا عارفيني اصلا ولا اسم القرية بتاعة البخلا اللي كان جدارها مش طابق نفسه وعايذ ينقض يقع بسببهم ده علشان تصبح القصص دي امثال عامة يستفيد بها الناس عبر التاريخ. ذو القرنين ما نعلمه عنه من القصة هو انه - [00:07:02](#)

قائد مؤمن عادل وقصته لازم تبقى مثل اعلى لكل حاكم يسألونك عن ذي القرنين قل ساتلو عليكم منه ذكرا. يعني قل لهم هقول لكم شوية اشياء من قصته الاشياء المفيدة اللي في قصته هناخدنا كعبرة وهنعرفها. الاشياء اللي مش مفيدة مش هناخدنا. القرآن سيسكت عنها زي باقي القصص. اقرا بقى معي اربعة وتمانين وخمسة - [00:07:22](#)

ان مكنا له في الارض واتيناه من كل شيه سببا فاتبع سببا ربنا بيخبرنا انه مكن له الارض كان له في الارض يعني جعل جعله ممكنا في الارض. يعني اعطاه القدرة على التصرف - [00:07:51](#)

اعطاه السلطة والحكم. طب نعرف مين هو ده معناها؟ فيه حاجة اسمها تفسير الكتاب بالكتاب. ده اصل من اصول التفسير. وده اكبر واكوى اصل من التفسير لما تكون عايذ تعرف كلمة معينة معناها ايه ؟ حاول تلاقي نفس الكلمة دي استخدمت من نفس الكاتب في نفس الكتاب فين - [00:08:21](#)

يبقى هو ده اللي يقصده بالكلمة دي. كلمة مكنا ربنا يستخدمها كذا مرة في القرآن ومنها في سورة يوسف. وكذلك مكنا ليوسف في الارض تمام يعني ربنا جعله حاكم وادى له آ سلطة. هنا ربنا بيقول انا مكنا له في الارض. يعني ادى له سلطة وادا له - [00:08:41](#)

آ قوة اسمع بقى ربنا بيقول في اربعة واتنين بص في اربعة وتمانين معي. انا مكنا له في الارض واتيناه من كل شيه سببا ربنا ادى له كل اسباب النجاح - [00:09:00](#)

فروة عنده. جنود عنده. ذكاء وحكمة عنده. علم وتقدم حضاري عنده. شريعة وعدالة كل الموارد وكل الوسائل عنده. فاتبع سببا فاخذ

بالاسباب واتوكل على الله وراح مسافر واستخدم الوسائل اللي ربنا اداها له - [00:09:16](#)

اقرا معي ستة وثمانين حتى اذا بلغ مغرب الشمس وجدها تغرب في عين حنة ووجد عندها قوما قلنا يا ذا القرنين اما ان تعذب واما ان تتخذ فيهم حسنا توجه غربا لغاية ما وصل لاقصى نقطة على الشاطئ على شاطئ البحر. غالبا مصب احد الانهار - [00:09:40](#)
آآ والجيوش زمان كانوا دايمًا يمشوا على ضفاف الانهار عشان يضمنوا ان فيه مية شرب جنبهم. مصدر مية ففي مصب النهر يبقي فيه برك من الطين زي الملاحات كده اللي في رشيد وفي دمياط - [00:10:09](#)

او انه وصل مكان في آآ بترول والبترول زمان لما بعض الناس كانت تحفر عشان تطلع مائة وكان البترول على آآ على على على مسافة قليلة فكان يطلع في شكل نفط - [00:10:24](#)

شكله آآ يعني لونه اسود ولزج. وريحته منتنة. ما كانوش ناس لسة فاهمين ده بيفيد في ايه. لكن الرحالة زمان وصفوا ان بعض الاماكن كانت اسمها البلاد النتنة عشان فيها بترول بيطلع كده برك آآ سودا كده لزجة - [00:10:42](#)

فلما وصل اقصى الغرب وجد الشمس بتغرب فيه الايه في العين دي يعني بتهرب في المية اعداء الاسلام بقى بينتهزوها فرصة خيانية جدا للهجوم على الاسلام يقول لك ها الاية دي مخالفة للعلم ليه؟ اصل العلم اكتشف. اسمعوا بقى الخبر الفزيع. العلم اكتشف ان الشمس مش بتغرب ولا - [00:11:00](#)

ده الشمس بقى ده ايه الارض اللي بتدوق بتلف. فاحنا بيتهيألي الشمس بتغرب والشمس دايمًا موجودة ومش بتغرب ولا حاجة. يا سلام! طب ما احنا عارفين هم بيقبلوا من الشاعر - [00:11:29](#)

ومن وفي الادب المسرحي لما الاديب او الشاعر يوصف قرص الشمس وهو يغيب في البحر وقت الغروب يقول لك يا سلام وصف جميل وشاعري. انما القرآن يوصف هذا الوصف يبقي مخالف للعلم. لأ - [00:11:44](#)

القرآن مش كتاب علمي. القرآن بيصف ما يراه الانسان. كلنا رحنا شط البحر في اسكندرية وشفنا الشمس بتغرب في البحر ما حدش فينا فاهم انها بتنزل في الماية فعلا طبعًا. اكيد لأ - [00:11:59](#)

لكن هو ده المنزر اللي بيشوفه. المنزر اللي الرائي بيراه فيبوصف المنزر زي ما هو. بس. المهم لما وصل لاقصى الغرب وشاف الشمس بتغرب كده في العين الحمقة دي وجد عندها قوما - [00:12:14](#)

لا في هذه البلاد شعب قلنا يا ذا اقرا معي ستة وثمانين. قلنا يا ذا القرنين اما ان تعذب واما ان تتخذ فيهم حسنا ذو القرنين مش نبي قربنا مش بيرسل وحي ولا بيكلمه زي سيدنا موسى - [00:12:33](#)

يعني ايه بقى قلنا يا ذا القرنين معناها ان ربنا اعطى له الفرصة اعطى له القوة والقدرة انه يختار طريقة يعامل بها الناس هيختبره ربنا بيختبره بالقدرة اللي عنده بالسلطة اللي عنده - [00:12:55](#)

فدي فتنة في حد ذاتها يقدر يعمل حاجتين. اما ان تعذب يقدر انه يعذب الناس ويبهدلها او انه يتخذ او يعاملهم معاملة طيبة تفتكروا هو عمل ايه يعملوا معاملة طيبة - [00:13:13](#)

ها مين قال له يعمل معاملة طيبة لا وهيهدلوهم ويعاقبهم؟ لأ برضو امال هيعمل ايه اقرا معي سبعة وثمانين وثمانية وثمانين عشان تعرف ليه الراجل ده مثل اعلى لكل حاكم - [00:13:29](#)

قال اما من ظلم فسوف نعذبه ثم يرد الى ربه فيعذبه عذابا نكرا. واما من امن وعمل صالحا فله جزاء بالحسنى وسنقول له من امرنا يسرا. اختر العدل بيكون عادل. الظالم المجرم اكل الحقوق - [00:13:45](#)

يتعاقب ويتبهدل بالشرع في الدنيا. بعد كده يروح لربنا ياخذ جزاؤه الالهي اللي احنا ما نعرفوش. اقرا معي تاني قال اما من ظلم فسوف نعذبه ثم يرد الى ربه فيعذبه عذابا نكرا - [00:14:08](#)

طيب المؤمن بقى اللي بيعمل الاعمال الصالحة والنافعة قال لك هنعمل له حاجتين. هندي له مكافأة فله جزاء الحسنى يعني هنكافئه مكافأة حلوة ومش سكييتي لأ هنعمل له حفلة تكريم ويكرم معنويا على المأأ وسنقول له من امرنا يسرا. هيسمع - [00:14:26](#)

كلام حلو هيكرم قدام الناس يبقي منهجه في الحكم انه يعز اهل الطاعة والعمل الصالح ويعاقب اهل الظلم والمعاصي سلطته لم

تجعله يطغى على الناس ويسوء استخدام السلطة فهتم بقى ازاي تدبر هذا الكلام يقى من فتنة السلطة - [00:14:50](#)

تسعة وتمانين يلا ثم اتبع سببه وراح واخذ في وشه وماشي راح الناحية الثانية ناحية الشرق بعد ما كان بلغ اقصى الغرب وطبق شرع ربنا هناك راح ايه عدل بين الناس وراح طالع باتجاه الشرق. اقرا بقى معي الاية تسعين - [00:15:14](#)

حتى اذا بلغ مطلع الشمس وجدها تطلع على قوم لم نجعل لهم من دونها سترا وصل اقصى الشرق ولقى في هذه المنطقة ناس اه لم نجعل لهم من دونها سترا يعني مش مستورين من الشمس. يا اما عرايا يعني مش بيلبسوا ملابس كافية تغطي - [00:15:29](#)

في اجسامهم ودي على فكرة في قبائل لحد النهاردة كده في بعض يعني الدول الافريقية وكده او ناس بيوتهم مش مسقوفة ما لهاش اسقف مكشوفين اول منطقة نفسها مكشوفة فما فيش فيها شجر يظلل - [00:15:56](#)

او انها منطقة ما فيش فيها جبال فمفتوحة. المهم احنا ما نعرفش. هو ربنا بيقول ما فيش ستر بينهم وبين الشمس عمل معهم ايه اقرا معي واحد وتسعين كذلك وقد احطنا بما لديه خبرة. عمل نفس اللي عمله قبل كده. واحنا عندنا خبر به. كذلك وقضى - [00:16:12](#)

بما لديه خبرا. اللي عمله عند مغرب الشمس هو اللي عمل مغرب الشمس. طبق فيهم شرع ربنا وعاقب الزلثة. وكرم وكافى الناس اللي بتعمل الاعمال الصالحة. طيب اثنين وتسعين يلا يلا - [00:16:34](#)

يلا بنا. ثم اتبع سببه وراح واخذ بعضه وبعد ما حكم شرع ربنا في الشرق والغرب وذلك باقامة العدل والحق طلع بجيشه على مكان تالت. اذا هو عمل ثلاث آآ سفريات اقصى الشرق اقصى الغرب ومكان تالت عند جبلين - [00:16:52](#)

اقرا ثلاثة وتسعين معي. حتى اذا بلغ بين السدين وجد من دونهما قوما لا يكادون يفقهون قولنا عند جبلين وجد هناك ناس متخلفين حضاريا. تعب جدا عشان يتفاهم معهم لا يكادون يفقهون قولنا - [00:17:11](#)

بس قدر يتفاهم اربعة وتسعين معي قالوا يا ذا القرنين ان يأجوج ومأجوج مفسدون في الارض فهل نجعل لك خرجا على ان تجعل بيننا وبينهم سدا يا ذا القرنين قبائل يأجوج ومأجوج ودول بشر عاديين دول ما هماش جن وما هما ابداء دول بشر عاديين واوصافهم ان وجوههم مستديرة - [00:17:33](#)

صغيرة اذا هي اوصاف الصينيين والمغول والكوريين والجماعة بتوع شرق اسيا المهم الناس دول اشتكوا من الاسيويين اللي في شرق اسيا دول وقال لك يأجوج ومأجوج مطلعين عينينا ويعملوا غارات علينا وبيفسدوا في الارض يعني سرقة واغتصاب وخطف وشغل بلطجية - [00:17:59](#)

هل نجعل لك خرجا على ان تجعل بيننا وبينهم سدا ايه رأيك ندفع لك مال نديك ذهب نديك ثروة نظير انك تبني بيننا وبينهم سد يمنعهم من الوصول لنا يعني هم استنجدوا به لما شافوه عنده موارد بشرية وعلمية وراجل متقدم وكده - [00:18:21](#)

اقرا بقى خمسة وتسعين وافق ولا ما وافقش قال ما مكني فيه ربي خير. فاعينوني بقوة اجعل بينكم وبينهم رادما بقى بيذكر ربنا مش بيتفاخر بقوته ولا بعلمه كرما منه هيعمل السد مجانا. قالوا له فهل نجعل لك خرجا نجيب لك سروة نديك فلوس نديك اموال. نذير انك تبني السد قال - [00:18:43](#)

فما مكني فيه ربي خير. خير من اللي عندكم انتم هعمله لكم مجانا بس يلا اعينوني بقوة. يلا يا رجاله تمام بتقفوا يعني مش هشتغل عندكم انا وجنودي هتشتغلوا معي يلا - [00:19:09](#)

فقال لك ربنا طيب فاعينوني بقوة اجعل بينكم وبينهم ردما. فقال لك انا هردم بين الجبلين. فيستغل كباين ويردم المسافة اللي بينهم فيبقى فيه سد كبير جدا مانعهم عن يأجوج ومأجوج. اقرا معي ستة وتسعين - [00:19:27](#)

اتوني زبر الحديد. حتى اذا ساوى بين الصدفين قال انفخوا حتى اذا جعله قال اتوني افرغ عليه قطرا هاتوا لي قطع حديد وكوموها فوق بعضها لغاية ما يبقى ارتفاع السد. ساوى بين الصدفين - [00:19:49](#)

ماشي فبقى الحديد متكون فوق بعضه سادد وبقى متساوي مع الجبلين وبعدها ولع نار انفخه يعني هوا عليها ولع نار جامد جدا وسيح نحاس وراح صابب النحاس المغلي اللي بيغلي السايح ده على الحديد فبقى الوي بقى سبيكة بقى آآ سبيكة صلب فولاذ - [00:20:13](#)

قال انفخوا حتى اذا جعله نارا قال اتوني افرغ عليه قطرا. القدر هو النحاس المذاب ده راح منزله على الحديد المكون ده فما

اسطاعوا ان يظهروه وما استطاعوا له نقبا - [00:20:44](#)

لا قدروا يطلعوا فوقه لانه املس ناعم وحاد في الميل بتاعه. فما حدش يقدر يطلعه ولا قدروا يطقبوه ويدخلوا من خلاله. لانه فولاذ قوي جدا وبرضه آآ زي في قصة موسى والعبد الصالح لما قال له ما لم تستطع. وقبلها ما لم تستطع وحكيينا ليه؟ نفس الكلام هنا برضو

- [00:20:59](#)

انك انك يعني آآ تقدر تخرق الفولاذ ده صعب جدا من انك اصعب يعني من انك تطلع فوق فربنا اختار كلمة فما اسطاعوا للاسهل

للطوع فوقه. فما اسطاعوا ان يظهروه. يظهروه يعني يطلعوا على ظهره - [00:21:23](#)

وما استطاعوا له نقبة اختارها للتقيلة للجامة للقوية. الحاجة اللي محتاجة قوة وما استطاعوا له نقبا وما قدروش ان هو يشوفه ما

استطاعوا يعني ما قدروش وفيها تأكيد على عدم القدرة - [00:21:43](#)

ان هم يخرقوا السد ده وبعدين هل بقى عملوا حفلة وغنوا فيها قلنا هبنني وادي احنا بنينا السد العالي يا استعمار بنيناها بايدينا السنة

لا لا لا ما حدش قعد يتفاخر بعمله - [00:22:00](#)

اقرا معي تمانية وتسعين شف قالوا ايه بعد ما بنوا السد العظيم ده بمنتهى التواضع وقف وقال هذا رحمة من ربي اذا جاء وعد ربي

جعله دكاء. وكان وعد ربي حقا - [00:22:19](#)

ده فضل ربنا ورحمته هي اللي سمحت لي اني ابني السد. ايه التواضع ده! مش قوتنا وقوة جيشنا واحنا لا لا خالص. ما قالش السد

الخالد. خالد مين؟ قال لك فاذا جاء - [00:22:36](#)

فوعد ربي جعله دكا. في يوم من الايام ربنا هيجعله دكة والسد هيقع. لما ربنا يشاء انه يقع وكان وعد ربه حقا هو ازاى متواضع كده

رغم القوة ورغم السلطة - [00:22:51](#)

ده في رؤساء وملوك لدول تعبانة وفقيرة ومتخلفة هيفرقعوا من الغرور ذو القرنين عنده كل الموارد كل اسباب النجاح وبينسب

النجاح دايمًا لربنا وبيزكر دايمًا ربنا شرق غرب اي مكان راحه ما زلمش الناس. طبق شرع ربنا حقق العدل - [00:23:07](#)

لنشر الامن امن المروعين بنى لهم سد يحميهم من البلطجية وما تعاونش مع البلطجية عشان مصالحه. ما استعبدش الناس. حقق نمو

للشعوب اللي فتح بلادها. ايه ده التربية القرآنية دي - [00:23:31](#)

هي اللي خلت الشعوب بتاعة البلاد المفتوحة اللي فتحها الاسلام تدخل برغبتها في الاسلام. ليه بص الفرق بين الفتح الاسلامي وبين

الاستعمار الغربي الغرب استعمار بلاد الشرق وتركها متخلفة فقيرة بعد ما مص دمها ومص خيراتها - [00:23:47](#)

انما مكة والمدينة حكموا نص العالم المعروف وبقوا افقر مدينتين في العالم لغاية من ستين سنة لما اكتشفوا البترول ده الفرق ده

الفرق ما وصيناش خير البلاد دي. وتركنا خيراتها لاهلها كل اللي عملناه ان احنا فتحناها. نشرنا النور قلنا للناس اللي عايز يدخل

الاسلام يدخل - [00:24:09](#)

اللي عايز يبقى على دينه يبقى شفتكم بقى الكهف عاملة ازاى؟ شفتكم الكهف لازم نقرأها كل اسبوع ليه اسأل الله العلي العظيم ان

يجعل هذا القرآن ربيع قلوبنا. ونور صدورنا وجلاء احزاننا وذهاب همومنا وغمومنا - [00:24:34](#)

ومغفرة ذنوبنا اسأل الله ان يجعل هذا التدبر في ميزان حسناتي وحسناتكم. اللهم انك تعلم ان هذه القلوب قد اجتمعت على

واجتمعت على محبتك. والتقت يا ربنا على طاعتك. وتوحدت على دعوتك وتعاهدت على نصرة شريعتك. فوثق اللهم - [00:24:52](#)

رابطتها وادم ودها واهدها سبلها. واملأها بنورك الذي لا يخبو واشرح صدورها بفيض الايمان بك وجميل التوكل عليك واحييها يا ربنا

بمعرفتك وامتها على الشهادة في سبيلك. انك نعم المولى ونعم النصير. والسلام عليكم ورحمة الله. ونراكم غدا باذن الله - [00:25:12](#)

انا من اهل الدنيا - [00:25:32](#)